

**N**ihil equidem frequentius apud Medicos fieri amat, quam ut in  
 disputationibus suis de peculiari morbo acturi eum in genere exami-  
 nent. At dum accuratius oculo Philosophico rem perlustro, clarissime  
 video, vix possibile esse, ut alicujus particularis affectus generalem definitio-  
 nem cudere possis, quam non, si ad justam rationis censuram revoces, mutilam  
 & mancam deprehendas. Ut enim alia taceam, si modò aciem mentis tue  
 dirigas ad stupendum humani corporis automaton ex infinitis non solum parti-  
 bus, sed & motibus compositum, quodque omnium rerum opifex Deus totius  
 mundi compendium & ectypon esse jussit, sine dubio clarè videbis in illa ad u-  
 num effectum producendum, quàm plurima, idque diversis sæpiissime modis  
 conspirare, non minùs ac in macrocosmo id evenire oculata experientia & sana  
 ratio nulla non die nos docet. Atque hinc facile colliges, illum, qui tentat ali-  
 quorum affectuum, qui in hoc automate reperiuntur (& inter quos sunt morbi  
 & symptomata) rationes dare, non tantum non superficialiter id aggredi debe-  
 re; at præterquam, quòd circūspicere debeat, quo modo potiùs quid effectum sit,  
 simul ad causarum legitimam seriem advertentem ut dirigat animum, neces-  
 sum fore. Quare cum unus idemque morbus tot & tam diversis modis produci  
 possit, modis, inquam, quorum maxima pars se cogitationi hominum subducit,  
 quique à minutissimis circumstantiis innumeris numeris variabilibus pendent,  
 ac proinde humana mente indagari non possunt, quem, quæso, esse putas, qui in  
 tanta mortalium caligine hoc attinget, ut tot causarum farraginem aut sub  
 una generali definitione, ut Iliadem in nuce, concludat; aut ad minimum  
 ejus integram naturam unius disputatiuncula Gyaris concludat? Ego saltem  
 hinc mearum virium imbecillitatem agnoscere malo, quàm ut tanta arrogantia  
 reum me agam. Eaque de causa satius esse duxi, ut contentus sim, si particula-  
 rem quendam casum ad manus sumerem, illumque pro modulo meo ad rectam  
 rationis trutinam pensitatum, aliorum erudito & præjudiciis vacuo examini  
 subjicerem. Elegi hunc in finem casum, Epilepsie mira continentem sym-  
 ptomata, quæ cum præstantissimis ingeniis sæpius crucem fixerint, & in quibus  
 explicandis non solum adhuc variè inter se doctissimi collidantur, sed & ultra  
 probabilitatem vix quid afferant, spero me apud eruditum orbem veniam im-  
 petraturum, si ego juvenis & novus ad arma miles hoc in casu, & quidem spe-  
 ciali explicando, non ulterius forsitan progrediar, quàm antehac progressi fue-  
 runt. Fateor enim lubens, hunc casum talem esse in quo explicando, si id quod  
 purè & strictè Medicum est afferre velis, parum sis dicturus, at si Philosophicè  
 eum considerare placeat (uti non in theoretica tantum, sed in practica quoque